

Aldiënza dla defensuria zivica en vëndres, ai 11 de ma, dales 14.30–16.00, a San Martin tla ciasa de comun. Info y prenotaziun 0471 946 020.

PLOANIES DA SAN MARTIN Y LUNGIARÜ

La Uniun di Èi Val Badia Kmb inviëia düc i èi y i jogh da tò pert ala prozesciun cun linternes o ciandëres da se tò do en domënia, ai 13 de ma, dales 21.00. La prozesciun pëia ia da Porsenü (Parkplatz Aquarena) y vá cina a Neustift (ca. n'ora) olach'al é na mëssa solëna. Al vá ia Porsenü na coriera: i interessá dess s'anunzié pro Leo Crepaz (348 40 96 351) o pro Salvester Vittur (333 7247516) cina en vëndres, ai 11 de ma. La coriera passa ia dala Burcia da San Martin dales 19.20

Le KVV inviëia vëdui, vëdues y porsones sores en Lönesc de Pasca de ma, ai 21 de ma, al peregrinaje fora en Tirol tla bela dlijia de Mariastein. Le iade cun marëna costa 38 euro plü la boanda. I piun ia da San Laurënz dales 08.15 y rovun derevers dales 18.00. Prenotesse cina ai 12 de ma pro osta surastanta dl KVV o cina ai 16 de ma pro le KVV da Bornech 0474 411 149.

SAN MARTIN

En dedemesaledema, ai 09 de ma, vëgnel indô sié la cortina dales 17.00 inant; tl caje de bur tēmp vëgnel sié le de do, jöbia. Chi che á dlaurela é dër bel periá da gní a daidé.

I mituns y les mitans Dennis Erlacher, Daniel Vanzi, Federica Pedevilla y Chiara Planatscher vá en domënia, ai 13 de ma, ala pröma comuniun y se conforta a chësta festa a chëra ch'i orun düc tò pert incër la medema mësa.

LUNGIARÜ

La Uniun dl Sport da Lungiarü inviëia düc i mëmbri y amisc dl sport ala sentada generala en vëndres, ai 11 de ma, dales 20.00, tla Pizzeria Fornata. Do la sentada sarál n bun buffet por sté ciamó n pü' adöm y s'la cunté.

Al vëgn dër bel perié do le **contribut por la ploania** de 20 euro por porsona, tuc fora i studënc, che vëgn trat ite les domënies ai 13 y ai 20 de ma do mëssa te calonia. -----

Conzert dla Musiga de Badia incö, ai 6 de ma, dales 17.00, tla Ciasa J.B. Runcher.

Baratada de ciüf, pelzes y somënzes indoman lönesc, ai 07/05, dales 20.00, tl salf di stödafüch a San Martin cun referat dales 20.00; *ciarede tl'ultima plata*.

La ponsiun d'injunta dal Laborfonds: Paiëise ite vigni mëis por la ponsiun d'injunta Laborfonds? O ponsëise sura da se scrí ite y oressés informaziuns plü monüdes? Èise domandes da fá sura le Laborfonds? Les colauradësses dl Laborfonds respogn a ostes domandes l'ater lönesc, ai 14 de ma, tla Ciasa de Palsa a San Martin. Por fá fora n termo individual pön s'anunzié dal lönesc al vëndres dales 8.00 ales 12.00 al numer 0474 524 794.

La Uniun dles Porsones Vëdues y Sores dla Val Badia inviëia al peregrinaje a Plaus tla dlijia nöia, dedicada a Santa Monica, en jöbia ai 24 de ma. A San Martin passa la coriera n. 2 dales 7.45; dales 8.30 Picia palsa ia dal Lanz, dales 11.00 Mëssa zelebada da siur degan Iaco Willeit tla dlijia nöia da Plaus, dales 12.00 Marëna tl Hotel Rössl, dales 14.30 piunse ia cuntra ciasa sura le Ju de Frara. Le iade y la marëna costa 45 euro; prëibel anunziessse dan i 20 de ma pro osta rapresentata dl paisc o por telefon 0474 590 069.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

06.05.18 – 13.05.18 nr. 23

termo da publiché: jöbia 20.00
radio: 90,40 / 93,70

6ª DOMËNIA DE PASCA – B

Vangele do San Jan 15,9-17

Romagnede te mi amur!

Sc'i osservëis mi comandamënc, romagnëise te mi amur,
sciöche iö à osservè i comandamënc de mi Pere y romagni te so amur.
Chësc ves ài dit, por che mia ligrëza sides te os
y por che osta ligrëza devëntes plëna.
Chësc é mi comandamënt: Orësse bun un al ater sciöche iö s'à orü bun.
Al n'é nia n maiù amur co sce un dà ca süa vita por sü amisc.
Os sëis mi amisc, sc'i fajëis éi ch'i ves dà sö.
I ne ves diji nia plü fané, deache le fant ne sa nia éi che le patrün fej.
I ves à dit amisc, éiodich'i ves à comuniché döt, éi ch'i à aldi dal Pere.
Nia os ne m'ëis chiri fora, mo iö ves à chiri fora
y ves à destiné ch'i jëise y portëise früt
y che osc früt romagnes.

*Ester cristians ó dí capí cina a funz,
che Chël Bel Dî nes ó bun,
zënza nosc mirit, nia deach'i sun dër prosc,
y daldöt nia deach'i sun damí co d'atri.
Sc'i minun da se davagné decá l'amur de Dî
cun opres o cun l'ester iüsc,
intorjune le raport de Chël Bel Dî cun nos.
L'amur de Dî n'é nia da davagné, al é ma da azeté.
I n'un bria da ne fá nia d'ater co jí ite te chësc amur y resté laite.
Vigni de dadoman, denanch'i jun ite tl de,
orunse se mëte dan da Idí, che nes ó bun:
„Anfat che che t'es, i t'á orü, deache t'es por me na creatöra demorvëia.
Romagn incö te mi amur.
Vái do a to destin y porta früt.
Y sëgn pëia ia y romagn tl amur.“*



	SAN MARTIN	LUNGIARÜ	
06.05.18 6^a DOMËNIA DE PASCA B	8.40 Prozesciun de S. Florian a Picolin 9.30 Gran Mëssa en onur de S. Florian por i Stödafüch dl ann + Tone Tolpeit 19.30 Corona de ma sō Ju	7.55 Corona de ma 8.15 Gran Mëssa en onur de S. Florian por i Stödafüch Prozesciun ia dal Pech y Benedisciun auti, mascins y ciafers 15.00 Corona de ma tla Capela de S. Ujöp	
07.05.18 Lönesc <i>Gisela, Viginia</i>	19.30 Corona de ma a Picolin	20.00 Corona de ma tla Capela de S. Ujöp	
08.05.18 Dedolönesc <i>Ulrich, Ulrike</i>	19.30 Mëssa + Anselmo Ferdigg + Sabina Flöss + Maria Tavella Vanzi		
09.05.18 Dedemesaledema <i>Beat, Tarejia</i>	19.30 Corona de ma a Bioch 20.00 Corona de ma sō Frëina	7.30 Mëssa a d'intenziun + Carlo Planatscher dedô Corona de ma	
10.05.18 Jöbia <i>Gordian y Epimach</i>	18.20 Prozesciun a Bioch 19.30 Mëssa a Bioch + Giovanni Tavella + Sepl Flöss	18.45 Prozesciun a Bioch 19.30 Mëssa a Bioch + Franz Clara	
11.05.18 Vëndres <i>Iachin, Walter</i>	19.00 Prozesciun a Picolin Mëssa a Picolin fam. Tone y Elsa Gasser + Franz Conrater + Pire Zingerle + + Maria Vanzi y Ida Dariz	6.00 Prozesciun a San Martin 7.30 Mëssa a San Martin + + Isidoro y Monica Mischi	
12.05.18 Sabeda <i>Pancraz, Imelda</i>	6.00 Prozesciun da S. Martin a La Pli (7.45 da Framacia demez) 9.00 Mëssa a La Pli por les ploanies 15.30 Mëssa tla Ciasa de Palsa 18.30 Mëssa prefestia + Milio Flöss	6.00 Prozesciun da S. Martin a La Pli (7.45 da Framacia demez) 9.00 Mëssa a La Pli por les ploanies 20.00 Mëssa prefestia por i nüc Emil y Iris	
13.05.18 ASCENSIUN DL SIGNUR B Festa dl'Assënza / Palsacrusc	Festa dla Pröma Comuniun 9.30 Ingres te dlijia Mëssa cun i Comunicanc y impromisciuns dl bato 19.30 Corona de ma sō Ju	7.55 Corona de ma 8.15 Gran Mëssa por la comunité 15.00 Corona de ma tla Capela de S. Ujöp	

Maria, tö fancela dl Signur,
tö nes stas dlungia
y nes accompagnëies sön nosc tru.
Tö nes dëides, nes tēgnes
y nes condūjes.

**Maria, nosta so tla fede,
prëia por nos!**

Maria, te dōta tūa vita t'aste orienté
a Chël Bel Dî.

Dëidesse da aldí sciöche tö
le message dl Signur por nos.

Dëidesse crëie sciöche tö
al Dî che vir y che se lascia sintí.

Dëidesse confidé sciöche tö
cun n cör che vëiga.

Dëidesse orëi bun sciöche tö
cun respet y sinzirité.

Dëidesse dí de scé sciöche tö
cun gran fidënza.

Dëidesse aspeté sciöche tö
**cun cör desponibl,
cun orëdles y edli daverc
y cun n spirit acort.**

Maria, Uma dl Signur.
dëidesse crëie sciöche tö.